



**Отбасы жағдайында тәрбиеленетін балаларға және олардың ата-аналарына (заңды өкілдеріне) арналған консультативтік пункт туралы
ЕРЕЖЕ**

I. Жалпы ережелері

1.1. Осы ереже МДҰ-ның консультативтік пунктiнiң қызметiн реттейдi. Консультативтiк пункт МДҰ-ға бармайтын 1-жастан 7 жасқа дейiнгi балалар мен олардың ата-аналары (заңды өкiлдерi) үшiн құрылады және мектепке дейiнгi бiлiм беру бағдарламасын iске асыратын МДҰ-ның құрылымдық бөлiмi болып табылады.

1.2. Құру мақсаттары - отбасылық және қоғамдық тәрбиенiң бiрiздiлiгi мен сабақтастығын қамтамасыз ету, ата-аналарға (заңды өкiлдерге) психологиялық-педагогикалық көмек көрсету, МДҰ-ға бармайтын бала тұлғасының жан-жақты дамуын қолдау.

1.3. Негiзгi мiндеттерi:

- балалардың дамуына жағдай жасауға жан-жақты көмек көрсету;
- бала тәрбиесiне, оқуы мен дамуына қатысты әртүрлi мәселелер бойынша консультативтiк көмек көрсету;
- балалардың әлеуметтенуiне ықпал ету;
- балалардың физикалық, психикалық және әлеуметтiк дамуындағы әртүрлi ауытқушылықтарға кешендi профилактика өткiзу;
- МДҰ мен балалар мен ата-аналарды (заңды өкiлдердi) әлеуметтiк және медициналық қолдайтын басқа ұйымдар арасында әрекеттестiктi қамтамасыз ету;
- күрделi асқинулардың алдын алу мақсатында ерте кезеңде баланың мүддесiне қатысты жанжалдарды, қиын жағдайларды тану, болжау және шешу.

II. Консультативтiк пункт қызметiн ұйымдастыру

2.1. Ата-аналарға (заңды өкiлдерге) арналған лекторийлердi, теоретикалық және iс-тәжiрибелiк семинарларды, ата-аналардың сұрауы бойынша жеке және топтық консультацияларды ұйымдастыру, жазбаша өтiнiшi, телефонмен қоңырау шалу, МДҰ сайтының жұмысын ұйымдастыру бойынша сырттай консультация өткiзудi ұйымдастыру және т. б.

2.2. Консультативтiк пункт төмендегi мәселелер бойынша ата-аналарға (заңды өкiлдерге) көмек көрсете алады:

- МДҰ-ға бармайтын мектеп жасына дейiнгi балаларды әлеуметтендiру.
- Балалардың жас, психофизиологиялық ерекшелiктерi.
- Мектепте оқуға дайындық.
- МДҰ-ға бармайтын мектеп жасына дейiнгi балалардың физикалық, психикалық және әлеуметтiк дамуындағы әртүрлi ауытқушылықтардың алдын алу.
- Бiлiм беру бағдарламасын таңдау.
- Ойын қызметiн ұйымдастыру
- Балалардың тамақтануын ұйымдастыру.
- Балаларды шынықтыру мен сауықтыруға жағдай жасау.
- Әртүрлi санатты отбасынан шыққан балаларды әлеуметтiк қорғау.

2.3. Отбасына көмек көрсету мақсатында Консультативтiк пункт мамандары

әңгімелесу формасында, диагностикалық зерттеулер жүргізу, балаларды қадағалауды ұйымдастыру арқылы қосымша ақпарат алу үшін балалармен жұмыс жүргізе алады және т. б.

2.4. Консультативтік пунктте ата-аналармен (заңды өкілдермен) және балалармен жұмыс әртүрлі формада өткізіледі: топтық, жеке.

2.5. Консультативтік пункт таңғы және (немесе) кешкі уақыттарда аптасына 2-3 рет жұмыс істейді.

2.6. Ата-аналарға (заңды өкілдерге) психологиялық-педагогикалық көмек көрсетуді ұйымдастыру мына мамандардың қызметтерін ықпалдастыру негізінде құрылады: тәрбиешінің, педагог-психологтың, логопед мұғалімнің, медициналық қызметкердің және басқа мамандардың. Консультативтік пунктке жұмысқа тартылған мамандар саны МДҰ түрімен, оның кадрлық құрамымен анықталады.

2.7. Педагогтердің құқықтары, әлеуметтік кепілдіктері мен жеңілдіктер ҚР заңнамасымен, еңбек шартымен анықталады.

2.8. Консультативтік пункт қызметін тіркеу үшін келесі құжаттаманы жүргізу қажет:

- жүгінулерді тіркеу журналы;
- консультативтік пунктке келу журналы;
- консультативтік пункт жұмысының жоспары;
- консультативтік пункт жұмысының кестесі;
- өткізілген дәрістер, семинарлар кестесі және т. б.;
- ата-аналар (заңды өкілдер) мен МДҰ басшысы арасындағы шарттар, оған тараптардың өзара құқықтары, міндеттері мен жауапкершілігі кіреді.

2.9. Консультативтік пункт №49 24.01.2025ж. ББ бұйрығымен және №58/5 02.09.2025ж МДҰ басшы бұйрығымен ашылады.

Консультативтік пункт туралы ереже, штаттық кесте, қызметкерлердің лауазымдық міндеттері, жұмыс тәртібі бекітіледі. Консультативтік пунктті ол жанында құрылған МДҰ басшысы тікелей басқарады.